

新刊國朝二百家名賢文粹

新刊國朝二百家名賢文粹卷第二百四十一

記

堂宇記八

自覺齋記

蘭陵徐公

江陰太守徐公子禮公龍圖閣學士釋山之子也英妙秀發舉進士一上中之收其利則盡焚弃所爲少作探道者書學古通經師慕古人救時行道建功立名之意又以爲出而從事與世推移立於爭地必貽俗患爲吾親憂於是秉心練志三思而行百慮而動書銘座右兢兢然如立淵冰之上品谷之下名一齋曰自覺此其所以志也平塗昏險跬步如漆變化咀嚼有鬼有神世之君子寵利誘之於前妻子之計推之於後踐危履覆畏途捫虎躡龍領跋前疐後顛倒失據劔頭炊米刀頭舐蜜燕巢幕上蠱劇禪中道盡途窮困而欲返禍鼓如此不可及矣且夫力物之靈靈莫靈於人千金之貴貴莫貴於身惟哲人智士不背

輕用其身而一心之神大撫四海遠追千歲介然之有准然之
音來干我者我必知之見可而進起而就功名不可則止卷懷
而去范蠡去越謂大夫種曰狡兔已死不去必有鼎鑊之害種
生楚謂申公曰醴酒不設不去必有鬲鉗之禍溫嶠行酒舉笏
擊坐客之幘陳平亡命解衣刺度河之舟及乎殆哉生死禍
福間不容一髮而先物之幾見微知著鴻鵠高飛一舉千里非
弋人所得而慕也子禮以文學政事知名一時縣太宗永權守
饒州饒江左名城時不便於親養辭大就小易地江陰出從王
事入奉親歡皆盡其道學舍庠陋徒爲文具照教養之實公撤
而新之高明壯麗視大邦君之居可支十世地汙下濕積潦所
鐘田之入於草莽者十九公集丁壯疏一六渠以走潦水而江
之濱麻麥稔稔弥望鬱然滿浦四歸歲以大熟予於是考公政
迹蓋非止於自覺者也興學以教士使之習是勝非而失道之
迷復治田以養民使之安居穀食而不善之意三他日得時得

位推此道也。馴而致之爲王者，洗心易德，抗節厲行，千古有可
封之俗，爲民者尊吏良法，行善遠罪，而人歸仁壽之域，則孟子
所謂天民之先竟者也。予聞西方有佛，哀世人陷於迷網，不覺
不悟，示三空門，如指標月，漸除諸妄，以反其真，合於吾儒所謂
齊者，而高逝遠舉，達世絕俗，不著大儒之效。公予禮奏，課第一
除兩浙東路提舉茶鹽官，降入任建皇極，爲後覺之宗，將有日
矣。子礼名某，左朝散郎、江陽人。云乳道歲次丁亥閏七月日，晉
陵孫某記。

如農齋記

蘭陵孫公

毗陵蓋禹貢揚州之野，於地志爲吳分，濱江帶湖，地大物衆，張
公壇陸子泉在焉。紹興初，光壽太上皇帝移蹕幸錢塘，今爲股
肱郡。大日廷議，推擇守將，太子召見，臨遣視它州，爲重矣。乾道
三年春，吳興錢公立道縣，將作監丞權守此邦，治道清淨，不事
聲華，治一室爲便坐，吏退則揭其中名曰如農子，產曰政如農。

功日夜思之思其始而圖其終朝夕而行之行無越思如農之
有畔其過鮮矣名齋之意蓋萃乎此予嘗見大觀政和中天下
無事夫子隆儒專道崇雅右文一時先儒宿李騷人墨客通今
學古之士皆列於朝而尚書左丞葉公少蘊爲翰林學士文學
政事以天下爲第一少蘊與公同州里長公二十五歲爲前輩
先達立道少讀書強記博覽爲文辭雄深辨麗有古人之風
少蘊初畏爲忘年之友餘子不敢望也出而試吏又以子產爲
師治郡顯聞号曰循吏夫農者以田爲生業而穀爲司命十口
之家男耕女桑相原隰高下雜植五穀無間民無荒田去穰莠
之亂苗者除蟲蝻之害稼者勿奪之曠耘勿撓之助長九月之
交霜降稻子築場圃治倉箱僦游卒歲能事矣公率是道施
於有政千里之地不下堂不出戶不窺牖不日親而莫撫不家
至而戶曉山東吏如束濕小大畢入於規矩莫違吾令牧民如
牧豎惡者去之母令敗群四封之內如治一丘不敢一日舍是

而燔以圖其終不亦約而盡乎予聞郭橐駝善種樹能順木之
天不害其長凡所手植無不高大而州牧縣令長得養人之術
梓人氏善考室委衆材僱衆工而役之畫宮於楮計日而成而
佐天子相天下得官人主之法輪扁斲輪讀書者取之庖丁解
牛養生者與之今公得子產農功之說師慕先覺允蹈斯言為
良二千石蓋一道也故下車逾時楚麥倍稔穀實穰穰直登老
上猶縲車之聲四起如留鳥疫穉不作巫覡不入門水耕火種
泥行露宿上田植黍豆下田蒔秔麻救高出人接畛連畦彌
望際天無間斷予視而嘆曰使君之政如農功耳而祥慶之來
以類至曰陽曰雨有年穀順成之應十目所視不可誣也於是
表而出之以告後之君子立道名其今為左朝散郎云乾道二
年六月日左朝奉郎富陽縣開國伯致仕孫某記

東齋記

東溪先生

杜牧之作冬至日寄小姪回且詩韓退之作符讀書堂詩二人

者皆于高大取猥其辭以投匡甚至今閭閻多取其詩以教子弟然論者以此咎韓而不及收之何也蓋收之以子謂自待者也學者亦止以子謂待收之而不責其他至於韓子則諱諛然以適從自厚而教子弟之言乃止於利祿不能無礙於清義也雖然計其堅為韓子解紛遂為之說曰黃兒得食未知飢飽言弟正其志於孩提之時常情悅於利祿而淡於道義謂其所悅者而誘之彼既逐其所悅而去其所淡者變者以漸不聞其以權漸者導之以正而進遲進之權則方其初言而易之以他也雖復告之曰昔之所言者非是而今將蔽其所悅而不顧矣由此而得之則為貪冒嗜利之言得則熱中而無所不至子張學子祿孔子告之以多聞見知言行而已彼以子祿為學而直告之以祿不可與學子則其利祿之心亦且徇其獨學之意適資以惑

矣使之多聞見則知所擇適言行則不苟進知所擇而不苟進則其程祿也輕曰是而得之則曰有義不得曰有命得失兩安於義命而無悔尤於斯躬蓋孔子之誘人也如此異乎韓子之說也

韓愈書

橫浦先生

同年友永嘉徐君紹興癸酉二月十八日遺余書凡數紙其一日近聞書云殊可歎文左右圖史相羊其中且勝之曰靜勝蓋欲居閑守靜以勝事物之紛紜也至於人非人富人貴人榮人辱皆無足以動其心者子其為我記之余曰物之不可勝也久矣與其勝物不若自勝自勝如何思慮潰亂血氣飄盈動者莫竟而靜者見之見之則惡之矣惡之則若居焚溺中思有以脫去而弗得也惡之又惡之乃悟顏子克己之說乃得曾子三省之說乃入子思謹獨之說使非心不萌邪氣不入而皇極之義孔門之孝於斯著焉若夫人之是非富貴榮辱初不相

關我無勝彼之心彼無勝我之念彼我兩忘天下之能事畢矣
自勝其大矣乎開祖用意伊川之季四十年矣其於斯理履踐
久矣今乃以勝物之說遽遺於余豈用夫子侯齋雕開仕與夫
語子路浮海之幾乎余老矣亦飽經而熟識矣故敢不揆以所
見爲說因書以遺之如其不然願以見教

師氏違物齋記

巽齋先生

夫人之生資物以養者惑也物之能養人者幾何而惑夫人者
多矣故必違物而後可以養生蓋人未始無良心也一爲物所
誘輒遽失之其養安在而或者則曰飢必須食寒必須衣此二
物者有生之所急人未有能違之者也使飢而自食其粟寒而
自衣其帛猶可也而粟帛云者未必人有之也飢寒切於身夫
孰肯坐而受其病必將起而求諸起而求諸吾道亦少聚矣是
賢不肖所自分也而可不慎歟吾之一身固與天地參無不及
焉吾寧以飢寒死而不敢私取人一事彼其胸中浩然至是也

而何假外物哉其不得已則被服藍縷嚼齧草木猶可以自養
夫豈不知肥甘細滑之適於口體乎惟其所養者細而所喪者
大故決去彼取此昔顏淵以簞瓢處陋巷季路以敝緼袍與狐
貉之厚者並遊蓋樂焉而不耻孔子稱之此固哲人之細事也
能不以飢寒之害爲心害耳人能死以飢寒之害而後道可講
也若淵無簞瓢路無緼袍清餓赤立猶將不耻而樂焉彼其所
以爲養者誠在此而不在彼矣而或者則曰使人不衣不食以
事道聖賢所難也必不得已循理而來之於道其何傷苟決去
焉是亦爲亢而已矣此孟氏所以譏於陵仲子甥而後充其操
者也夫仲子亦未可厚非孟氏之言蓋有激耳彼豈不曰鄉爲
身死而不受乎身且死頭弗受若孟氏乃可謂善遠物者哉大
享之道欲正心誠意以治其國家者必先致其知而所以致其
知則在格物夫格去者扞也禦也拒而弗受也與遠物之義同
而曰山林枯槁之士以是爲亢則其不思甚矣吾友師氏伯澤

父既以違物名其齋居而屬余為記異時渾父相與言蓋如是
余心有感焉而渾父更涉憂患進道愈力則將超然於物之初
矣其又何所違哉姑亦記余所感於心者云耳

小隱齋記

觀堂先生

故尚書左丞翰林李士京兆郡田公之元孫曰俊心甚侈於李
思以世其家者至号其所居齋則曰小隱求余為文友人錢君
數助之請余初憮然應也是以久不成今既不免則問錢君彼
所謂隱者非山林之謂小市朝之謂大耶曰然嗟乎此可以難
易名不可以大小差也今夫舟公乎河浮乎江漢風恬浪夷一
日千里恍乎不知其所如往夏五六月道三峽出夔湍怒濤雲
駭箭激失秋臺道據拖碎篙舟覆人沒死矣彼直謂夷行者小
險行者大則可耶抑亦惟其所遇而已士不得乎世道不可貶
掉臂去之入山林友麋鹿有死而無友顧此固易者不幸不得
去暴風之雨居險色風議一不相值立有怨所寔竊以謂遽伯

王不仕卷而懷之易寧武子仕而晦其智以爲愚定難雖然此
可以爲它人說也無語田君田君於世何有不可必欲隱去吾
聞左丞相起裔士致身天子言天下事拱立变色原侃可畏退
與人處未嘗爲獨行奇言以釣聲稱士安樂之此獨不可學乎
君歸幸告田君魚鱉羊牛五味而烹之其美無度昌歎羊棗嗜
之雖聖賢亦疾也苟不以食未必爲不知味

潼川司理廳書齋記

趙狀元

事有慊於中則飲食不爲位若有鬼神焉執其神而作止之此
何以哉始予知臨安職舟于江陵夜半雪作子累蓬重蕭而居
雪不能威也願僕夫踴躍以身受慘慄不得去則心爲之動夜
將旦而睫不交嗟夫人適已獨善固不能自可於其私哉百工
有司之非人皆足以暴物而莫急於獄獄人命所係也潼川大
鎮也土廣人衆則事繁而獄煩司法之官三歲一易敏給善柔
之士雜代而無別自其始觀之早暮寬猛歧然而不齊而人之

死於無告其終則一也敏則急善則無斷幾何不爲利之所賣
是故居此官者皆有負向隅哭泣之人之羞而何居室之敢安
清虛濁塞之暇擇哉廣安張君慎言絨仲之來遺利不問引囚
而前諭以云告以朝廷哀矜庶獄大意人知君之不可欺且謂
君不使我至於極也故宮雖不用而獄情得君亦始慨然求爲
燕間之居以溫煥父師之舊聞廳事之北有地二畝斬茅結庵
時取休息然前爲舫簷鑿東西窓而庵之庵左右爲土室戶牖
南北向素壁斐几古聖賢之圖書橫陳其間庭下有竹各自竿
蕭爽閑寂窈窕邃密人之至者以爲山僧之居不知在城郭也
君遂言曰吾甚愛吾室不可無書以告於子夫士愚不知所以
立士而不知所以立則志近而昧遠逐物而喪已今吾治金穀
而季會計理刑獄而讀法律轉而之他舊物放弃何者爲措足
之地古之君子養之於無事用之於倉卒伊尹之有莘傳說之
傅崑顏子之陋巷皆是物也君名家子好學篤行言論有本末

惻世悼俗凜然猶有前輩遺意是豈華好屋廬以便安其躬
爲使者哉予既嘉君能使民不究內無所愧以爲此居又嘉君
之朝夕於是治心養性庶幾求所謂立者故爲之記且使來者
之不苟也

敬齋記

南軒先生

誠者天之道敬者人事之本敬道之成則誠而天矣然則君子
之學始終敬者也人之有是心也其知素具也思亂而欲汨
之紛擾梟尤不得湏臾以寧而正理益以蔽塞萬事失其統矣
於此有道焉其惟敬而已乎伊川先生曰主一之謂敬又曰無
適之謂一夫所謂一者豈有可玩而執者哉無適乃一也蓋不
越乎此而已嘗試於平居暇日深體其所謂無適者則無事可
識於言意之表矣故儼若思雖非敬之道而於此時可以體敬
焉即是而存之由是以察之事物物不得道焉涵泳不舍思
慮將日以清明而其知不蔽矣知不蔽則敬之意味無窮而功

用日新矣天地之心其在茲歟幸者會是而求入聖賢之門難
矣哉至於所進有淺深則存乎其人用力鉅勇與緩怠之不同
耳吾友臨川吳仲權志於古道將以敬名其所居之齋而月勉
焉於其行也書此以贈之蓋朋友相與警勸之義也

拙言記

南軒先生

野江曾郎夫以拙名其齋而請予爲之記予喟而歎曰士病於
不拙也久矣夫求之術而敬名之求智術之滋而機巧之競爭
先以相勝詭遇以幸得而俗以益薄士病於不拙也又矣頃者
始見吾子望平客止退然若不安聽乎言詞然若不足意吾
子之不恥爲於斯世也已而旋觀乎吾子之爲則處已也久而
接物也嚴又有以知吾子之能自守也今以拙名其齋抑子之志
如此而何以子之記爲雖然子之求於予也幾乎言可以輔仁
也抑亦子之質之美乎亦有望哉請試爲子言之也予聞之義
理之本於天者至精而無窮氣象之存乎人者雖美而有限伊

欲究夫無窮而化其有限舍學何以哉雖然所爲進學之方則
亦有道矣古之人於此蓋終身焉若升高之必自下若遠之
必自邇此其用力豈苟然而已哉又病夫學者之不埤也勇銳
而竊取耳受而口傳恃臆度而鑿空虛難之不圖而惟獲之計
序之不循而惟至之必久之不務而惟速之欲若是而欲有諸
其躬也難矣予以是病夫學者之不埤也稽諸洙泗之門子之
家子與非百世師乎聖人始以魯稱之而其於是道終以魯得
之所謂三省其身自反而縮與夫動容見正顏色出辭氣曾其
所爲用力者也戰兢臨履至於啓手足之際而後以爲知免一
簣之未易猶不敢安其終其學之有始有卒幾於聖而全其天
蓋如此謂於是道以魯得之非耶由予前所言士病於不埤者
吾子既與是之患矣由予後所言病夫學者之不埤也吾子其
寧是以勉之哉請無他求以予之家子與爲標準而從事焉其
可矣若夫安其所已能而倦其所未進則爲拘於有阻而愚乎

無窮是拙之流生害也吾子其必不然矣

善最樂齋記

方舟先生

善最樂齋者善友趙君書室也其自名者君之意而欲誦其所
自名者於他人者以爲記則答曰昔兩漢淳厚尊之化忠實之教
所以大庇其子孫而納之於熙過之地可謂至矣間有所不免
者皆所自取於結客以固其垣墻下士以附其聲援所甚可賢
者雖詩書義訓薰蒸於見聞服習與自奉士子無異然亦有所
不能自別於膏粱富貴之族烏在至漢末而漢之公族雖公子
由此岌岌矣此東平王蒼所以能以善自名者非以是啗於譽
譽蓋心有所懲而以善自全者也今趙君父子以科第再出取
富貴人不以爲過而以爲當然惴惴自封殖日畏日憂降心於
漢東平若慕用追逐而不可企及者何也吾知之矣夫服飲食
人所共口甘而身美之至窮其所自得於衣服飲食則固然有
不知者且夫善有封焉之別聖賢人道之候也今日我不爲無

是亦足為善矣而樂之焉樂之而取其最焉吾乃全善
之所以自取者已侈而於趙君之所自名一何廉也
不魯之君不謀而同蓋其聲類感召有不得不爾者
蒼而廉於善也哉吾荆取孟子所論樂正子可欲之
不可知之神期君以益其所學而大施於世次第由
不驗以須其成不速以待其化如鷄鳴之率章者果
於樂乎哉

復齋記

東萊先生

昔者聖人作易以擬陰陽之變消於上而息於下也為卦曰復
復反也言陽之既征而來友也夫大德敦化而川流不息豈獨
夫既消之氣以為方息之資也哉亦見其下於此而上於彼而
固以著其往來之象錄夫已弃之善而厲之也亦曰不驕焉以
騁於外則本心全粹即此而存固然之善自有不能已耳嗚呼
聖人於事之復所以贊其可見天地之心而又不以事為復之本者

以此款書友黃君仲本以復各齊來謁於予曰願得玉字之言而
書于壁而庶乎其有以自存而不忘也予不敢辭而請其所以
銘之之意仲本則語曰吾之幼而學也家翁授以程氏之書讀
之其有不得其說者則以告而請益焉公曰思之又問則曰及
諸子之身以求焉可也自吾之得是言也居處必其執事必敬
其与人也必忠如是而求之三年而復有得也然而存之也未
熟是以充之不固往者不循其本願欲雜乎事物之間以求之
或乃反牽於外而益眩於內今也灑掃於家庭之側揭以是名
而日居之蓋稍息其溫清定省之餘力以從事於舊學庶乎貞
積力久而於動靜語默之間有以一貫乎理而不為內外之分
焉然猶懼其怠而不能以自力是以願吾子之相之也謝曰僕
之言未有以進於吾子而君子之賜於僕則已厚矣且將銘諸
心移諸同志以歆矣至言外徇之弊而豈敢有所愛於子哉抑
予聞之古人之學博文以約禮明善而誠身物格而知至而后

有以誠意而正心焉此夫子曾顯子思孟子所授受而爲世學者準程也仲本誠察於此有以兩進而交養焉則夫道學之體用聖賢之德業不在仲本而安歸乎願書此言以記于壁將因其過庭之際而就正焉庶乎其有以自警也淳熙丙申十月甲呂祖謙記

寂然齋記

金華先生

古之養民之政亡矣今之爲吏者務以力勝民而唯恐不至也嗚呼古也雞豚狗彘使之無失其時而今也父母妻子使之不得相保其何至此極耶是非民之過而吏實爲之也然古之吏甚逸而今之吏甚勞民之報之亦各有當矣天子故不以罪民而專謹於督吏且申重於守令焉豈以最近於民而休戚之所出哉夫一國之廣一州邑之積也一州邑之不理而曰無害曾不察一肢之不舉而一身爲之病歟眉山在西州號望邑士情而俗寒民生疑未燥已執書冊從師友不問貴賤以不學爲耻

唯可服以義而不可劫以勢前之爲令者一切反此及韓到錯
謬民紛然而赴之則夙夜憤懣而卒莫能勝乃愆已而誅之曰
捷訟而慢公嗚呼吾人果爾耶訟而不得其情公而不減其私
則捷與慢二者吏自取之也東都憲君達之慶曆大丞相之孫
政和侍郎之子也仕張瓌宅顯矣性憂事劇邑縣持美稱
今大制置席公承天子之命而尤加詳於守令願眉山非君不
足以臨治之既出君以一來而君亦惠然不爲也至則守其家
法除苛解曉卓有成績時未闕久獄無淹繫而民
大服於是關官舍之西偏葺爲小齋羅置圖史引入士
飲酒以樂其餘暇予蓋邑之民而辱君相與游者出而告之曰
君知所以致此者夫嘗聞之東坡先生吾人之於
能者固不復以事試終日寂然先生之言不欺也
頌慢公者特惟吏之斯耳何則致寂然者在吏而民
微公明且能亦安得有此樂哉蓋以寂然名君齋曰

我併記之嗚呼吏苟不以力勝民則其道甚易其利甚博而其
報其逸或者何憚而不爲子故感之抑明且能者誠不多得耶
乃今有惟吾一州邑之理而風于一國俾知爲政之本在養民
庶幾寂然之樂其必有以共之者然而當自君始也予於是爲
一三

新刊國朝二百家名賢文粹卷第二百四十五

新刊 國朝二百家名賢文粹卷第四百十三

託

堂宇記九

白雲庵記

上官御史

元豐元年夏四月予自御史得罪竊官鄉邑循汴汴江迄今乃
祇職事莅事之初日疲乎期會之丈耳歛乎囂訟之音書聽夕
觀寢膳不寧如是累月乃僕少休私自計曰凡治氣養心虛則
明逸則思古人之所以即高明遠眎視者非特為游觀之美所
以宣底滯而明意慮也今且僕僕於事與物馳委頓疲耗尚安
能虛我而應彼哉於是暇日與一二僚友躋樓外閣引觴賦詩
東面平巖然之阜北瞰乎泠然之泉谷窈而雲霏魚泳而鳥翔
嘉木異卉悅帶左右棹歌牧唱上下於其間人物相忘有以自
適已而循閣而西得地虛敞闢牆壁而即乎虛曠之望剔榛莽
而易以簞席之茂軒楹明開出納雲霧心夷氣舒則詠先王之

言探太古之音有可樂者焉若夫樂無所待安所擇此子之所
願李而病其未能者也京兆上官均記

易庵記

魯國先生

客問陶隱居吾欲注周易本草孰先隱居曰易宜先客曰何也
隱居曰注易誤猶不至殺人注本草誤則有不得其死者矣世
以隱居爲知言與吾之說大異蓋六經者致治之本草也漢時
決獄疑斷國論悉引經術蓋細故而易言之哉本草所以辨
物六經所以辨道道者物之所以生物者人之所資以爲生一
物之誤猶不及其餘道術之誤則无復子遺矣前世儒臣引經
誤國其禍至於伏尸數萬流血千里本草之誤豈至是哉注本
草誤其禍疾而小注六經誤其禍遲而大隱居注本草矣故知
本草之爲難而未嘗注經故不知經爲尤難而不可率易如此
世以不服藥爲中醫此言雖小可以喻大吾用易不審陷禍之
幾死今幸開發方且掩庵熟讀而深思之復書此記二本其一

以自警其一以寄二子焉年月日記

和樂庵記

范太史

河南張子京結茅爲庵於其所居會隱之園元豐中司馬溫公又正公爲隸書以名之取棠棣之詩兄弟和樂云後十年子京書與余曰庵得名於溫公近以雨壞復新之溫公沒矣是不可忘也子其爲我記之始子以熙寧中入洛溫公方買田於張氏之西北以爲獨樂園公賓客滿門其常往來從公游者張氏兄弟四人出處必偕余每見公幅巾深衣坐林間四張多在焉或弈棋投壺飲酒賦詩公又鑿園之東南墉爲門開徑以待子京之兄弟杖屨相過於流水脩竹之間入乎幽深出乎陰翳乃得是庵焉美木嘉卉四時之變無一不可喜者賓至則兄弟倒屣怡怡然信所謂和且樂也溫公與其兄伯康友愛尤篤伯康年將八十公奉之如嚴父保之如嬰兒每食少頃則問曰得無飢乎天少冷則拊其背曰衣得無薄乎伯康入洛則二家兄弟日相

從游其名子京之庵不惟以善張氏亦公之志也詩曰凡今之人莫如兄弟外物之娛悅其有可以易此者歟張氏伯曰明叔仲曰才叔次則子京季曰和叔自其先君棄官隱居園池之美爲洛之冠子孫不墜其素風而大賢以爲鄰有德義之益其可尚也已足庵也其與獨樂之園久而人益愛之宜子京欲爲之記而余不得辭也故又新之其勿替哉

定庵記

定庵先生

余葬親丹丘城南樓石山之旁因結廬其下名之曰定庵命僧惠純惠瓊守焉建炎戊申自謫所召還得宮祠道迹舊廬與二僧游一日僧請余曰先生厭城郭而投林泉所樂在此優游筆硯枕籍圖史考古今治亂興亡著爲篇章多矣獨無文記定庵乎余默然久之顧謂僧曰師試言庵之可記者僧乃曰孤峯疊嶂森列四面青陰匝合秀氣翳鬱此庵之山也潏潏之聲澗澗之色淡白無窮酌兮不竭此庵之水也朝陽外騰崑嶽鋪金少

月輝映窓檻排玉此庵之一日之景也膏雨過而群花爭妍
風回而煩暑銷盡涼生客思增爽雪霽林麓如畫此庵之一歲
景也新松嫩柏脩篁叢檜葵心菊英茗芽藥苗公堤夾徑種種
間闌九可以悅目者非一類也至於煙靄低迷雲霞出沒倏忽
之間千態萬狀有不可勝言先生所以記之將不出於此乎余
應之曰嘻此庵之景師所能道也余之名庵初不在是夫人之
一身與万物同囿於造化之域苟在我者不定未有不爲物所
轉故吾之教有曰能定然後能應師之教有曰因戒生定因定
發慧二者不同皆歸於定余之於此方將反觀內境不逐外緣
去思慮屏嗜慾泊心養性存氣守神求而以定其在我者至矣
然後虛而靜靜而明直筆默持天光自發於是出而交物物不
能轉矣故處富貴而不滿臨患難而不懼死生之六無變乎已
況是非毀譽利害榮辱者哉彼雖日夜膠擾乎前而不能汨吾
胸中此余之所以爲定也苟惟不然區區求目前之景留意而

悅焉則居是庵也亦未免爲物之累耳烏識其所謂定哉師其
念哉二僧矍然相顧竊嘆以余言爲是因退而錄之爲定庵記
云紹興元年辛亥九月一日書

李氏山房藏書記

東坡先生

象犀珠玉恠珍之物有悅於人之耳目而不過於用金石草木
絳麻五穀六材有適於用而用之則斲取之則竭悅於人之耳
目而適於用用之而不斲取之而不竭賢不肖之所得各因其
才仁智之所見各隨其分主分不同而求無不獲者惟書乎自
孔子聖人其學必始於觀書當是時惟周之柱下史聃爲多書
韓宣子適魯然後見易象而魯春秋季扎聘於上國然後得聞
詩之風雅頌而楚獨有左史倚相能讀三墳五典八索九丘士
之生於是時得見六經者蓋無幾其學可謂難矣而皆習於禮
樂深於道德非後世君子所及自秦漢已來作者益衆紙片字
畫日趨於簡便而書益多世莫不有然學者益以苟簡何哉余

猶及見老儒先生自言其少時欲求史記漢書而不可得幸而
得之皆手自書日夜誦讀唯恐不及近歲市人轉相摹刻諸子
百家之書日傳萬紙學者有之於書多且易致如此其文詞學術
當倍徙於昔人而後生科舉之士皆束書不觀遊談無根此又
何也余友李公擇少時讀書於廬山五老峯下白石庵之僧舍
公擇既去而山中之人思之指其所居爲李氏山房藏書凡九
千餘卷公擇既已泐其流探其源採剽其華竄其咀噍其膏味
以爲己有發於文詞見於行事以聞名於當世矣而書固自如
也未嘗少損將以遺來者供其無窮之求而各足其十分之所
當得是以不藏於家而藏於其故所居之僧舍此仁者之心也
余既衰且病無所用於世惟得數年之閒盡讀其所未見之書
而廬山固所願遊而不得者蓋將老焉盡我教公擇之藏拾其餘
弃以自補庶有益乎而公擇求余文以爲記乃爲一言使來者
知昔之君子見書之難而今之學者有書而不讀爲可惜也

白鹿洞書院記

黃萊先生

淳熙六年南康軍秋雨不時高仰之田告病郡守新安朱侯憲
行抵陂塘並廬山而東得白鹿洞書院廢址慨然顧其僚曰是
蓋唐李渤之隱居而太宗皇帝驛送九經俾生徒肄業之地也
書院於南唐且事至鮮我祖宗於汴掃區宇日不暇給之際
獎勸封殖如恐弗及規摹遠矣中興五十年釋老之宮圯于寇
戎者斧斤之聲相聞各復其初獨此地委於榛莽過者太息庸
非吾徒之耻哉郡雖貧薄願不能築臺數楹上以宣布本朝崇
建人文之大指下以續先賢之風聲於方來乎迺屬軍學教授
楊君大法皇子縣令二君仲傑董其事又以書命祖謙記其成
其竊嘗聞之諸公長者國初斯民新脫五季鋒鏑之厄率皆尚
寬海內向平文風日起儒生往往依山林間曠以講授太監
多至數十百人嵩陽岳麓睢陽及是周爲尤著天下所謂四書
院者也 程宗輒右儒術分之官書命之祿秩錫之偏

榜所以寵綏之者甚備當是時士皆上質實下新奇敢行義而
不偷守訓故而不敢離學問之淵源統紀或未深究然其受和
白受采既有進德之地矣慶曆嘉祐之間豪傑並出講治益精
至于河南程氏橫渠張氏相與倡明正學然後三代孔孟之教
始終條理於是乎可考熙寧初明道先生在朝廷白學制教養
考察賓興之法綱條甚悉不幸王氏之學方興其議遂格有志
之士未嘗不嘆息於斯焉建炎再造典刑文憲浸還舊觀閑客
緒言捐出於毀奔剪滅之餘晚進小生驟聞其語不知親師取
友以講求用力之實蹤等陵節忽近慕遠未能闕程張之門庭
而先有王氏高自聖賢之病如是洞之所傳習道之者或鮮矣
然則書院之復豈苟云哉此邦之士益相與揖先儒淳固懇實
之餘風服大學離經辨志之始教由博而約自下而高以答揚
熙慶開迪樂育之大德則於賢佚之勸學斯無負矣至於考方
志紀人物亦有土者所當謹若李潛之之遺跡固不得而略也

侯於是役重民之勞賦功已佚損其舊十七八力不足而意則有餘矣興廢始末具於當塗郎程正所記者皆不書十有一月初吉邑基記

山居記

太博袁公

陳君方中告予曰軾屬籍太平之繁昌其居去縣東四十里其地名安賢埤直岳山之陽其山在西北竹木李栲栳植焉其港在東南芹藻葦苻產焉距港之間有原隰距山之間有岡阜就原隰以耕因岡阜以桑前有園後有池池則菱蓮魚鼈育焉園則桃李梨栗生焉歲時伏臘慶乎宴飲計入以爲出者僅自足於所居之左右若夫四時之變化一日之朝晡風雨之慘舒雪霜之凌厲日照晝而熙和月照夜而涵虛草木之華實蟲鳥之呼吟千態万狀靡有窮已榜篷艇乘籃輿昆弟之諧謔賓朋之笑語老者杖扶幼者手携隨其萬物之自然得其意趣之所寓終年沒齒樂

於此而不知朝市之榮辱利害不去鄉閭丘墓而晏適如
此亦既幸矣吾非不願仕挾所有游場屋連年不利比遭
憂患謾不知外物之可求也今將靜吾心持吾身洒然自
得於徜徉寬與田翁漁父相從以終焉一日告子歸有期
矣願求言以記其所居子語之曰進而不知退退而不知
進非士志也處義在此可仕而不仕爲無義制命在彼可
止而不止爲無命方今 明天子在上來賢如不及士有
懷奇抱藝負才任氣超然自放於山林湖海之上不一出
以致其義與已出不偶而戚戚終老於車塵馬足之間不
自去以安其命者要之雖激汗卑取之不同其背於道也
若方中可謂能致其義安其命者歟方其少時從學於公
翰林學士御史中丞李公子嘗聞其爲人矣後數年官京
師乃識之觀其色以察生於心之善恥其言以考其發於
心之正其學之淳淳其行之循循一而不一齊而不變與

之往還且不厭也相別之久今年復見於京師其辭令恬
平而靜重又能決於自信如此愈可嘉也遂與書其樂於
所居之意又繼之以詩曰

有高斯山 左嶠右環 有泄斯水 勢非汗漫

彼君子居 幽哉兩間 沃若者桑 離離者苗

歲則宜矣 既歌且謠 或釣于池 或摘于園

林其茂矣 穀核鮮繁 壺矢謹謹 琴射湛湛

笑言輸申 孔燕豈弟 敝暝一日 炎涼四時

永念至止 吉履宜之 我藝則有 挾出弗偶

妥適其歸

歸來子名嶧城所居記 濟北先生

少日讀書不陞孔子之堂自稟答繇而下若巫咸傳說則果不
逮遭時有用庶幾學鄭子華曾叔向之為人少恐其遠且一因
佐不足用天下事君慕汲黯劉向而愧二子之直且博願學好

孫吳頗通其說用以爲策悟非已志輒去之獨於文詞喜左丘
明檀弓莊周屈原司馬遷相如枚乘若唐韓柳氏古樂府詩人
之作時時發於事又拙不工曉得釋氏外生死說始盡屏舊習
皇皇如堂室四達無所依方寸之地虛矣又不喜晉人初不知
道徒窺其藩謂盡至清言誤世念身於古無一可數讀陶潛歸
去來詞覺已不似而願師之買田故緡城自謂歸來子廬舍登
覽游息之地一戶一牖皆欲致歸去來之意故頗撫陶詞以名
之爲堂面園之草木曰松菊松菊猶存也爲軒達其屏使虛以
來風曰舒繭登東臯以舒繭也爲亭廣其趾使庫以瞰池曰臨
賦臨清流而賦詩封土爲臺架屋其巔若樓瞰百里曰退觀穿
室其腹若洞深五步曰流憩策扶老以流憩時矯首而遐觀也
爲庵抱陽而圍之以嬉畫倚南窓以寄傲也曰寄傲爲庵資陰
而方之以休夜鳥倦飛而知還也曰倦飛顧所居遠山水非柴
桑北門直通道有長板且其前數十里故渠繁之蒲柳翁然魚

鳥之所聚有丘壑意俯而就其深爲亭曰窈窕既窈窕以尋壑也跋而即其高爲亭曰崎嶇亦崎嶇而經丘也凡因其詞以名者九既榜而書之日往來其間則若淵明卧起與俱仰撈而味其詞則如與淵明晤語接躋躋自得無往而不歸來矣猶相觀左右意不自足懼矣淵明一語也因謂然太息自幼壯至于白首勤苦斲盡探聖賢之蘊上則欲觀性而復其初次猶欲慕古人著之行事晚無一諧乃徒恐迷而忘歸又欲盡屏所習使空無有至爲一泐明懼不足何哉學道者惡夸夸則不近且人才力有分以盡爲人之所爲而求有功則常不足以盡不爲人之所爲而要無事則常有餘夫知其無可奈何而安之若命若淵明其幾矣又陶之自叙云環堵蕭然不旋風日短褐穿結簞瓢屢空晏如也忘懷得失以此自終淵明誠於此有餘裕今余居不至環堵衣不至穿結食不至屢空以若所養爲淵明固易而余遭盛時嘗見識拔汙臺省國恩未報而決然去之以若所歡

爲淵明固難一以爲淵明易則是余與淵明倂欲以此自然而
子難易乘除一以爲淵明難則余於淵明得失亦未有辯也或
曰淵明亦晉人抑知道者非耶而顧自以爲其葛天氏之民與
奈何曰嘗讀釋氏說譬如動目能搖湛水今余與子常勤不足
以觀湛彼淵明湛者類也嘗試與子去夫膠膠擾擾之蹊而處
陰以休影若是者有年喉帶寧而顛汗止而後相與求淵明於
葛天氏之國沈然見其塗巷乃余與子昔所嘗歷而去之久者
乃今來歸而後淵明可偁其知道與否可得而議也

藏書室記

穎濱先生

予幼師事先君聽其言觀其行事今老矣猶志其一二先君平
居不治生業有田一廛燕衣食之憂有書數千卷手緝而校之
以遺子孫曰讀是內以治身外以治人足矣此孔氏之遺法也
先君之遺言今猶在耳其遺書在櫝將復以遺諸子有能受而
行之吾世其庶矣乎蓋孔氏之所以教人者始於洒掃應對進

退及其安之然後申之以弦歌廣之以讀書曰道在是矣仁者
見之斯以為仁智者見之斯以為智矣顏閔由是以得其德子
賜由是以得其言求由由是以得其政游夏由是以得其文皆
因其才而成之譬如農夫墾田以植草木大小長短甘辛鹹苦
皆其性也吾無加損焉能養而不傷耳孔子曰十室之邑必有
忠信如丘者焉不如丘之好孝也如孔子猶養之以孝而後成
故古之知道者必由學孝者必由讀書傳說之詔其君亦曰孝
于古訓乃有獲愈終始與下孝厥德修罔怠而況余乎子路
之於孔氏有非人之才而不安於學嘗謂孔子有民人社稷何
必讀書然後為學孔子非之曰汝聞六言六蔽矣乎好仁不好
學其蔽也愚好智不好孝其蔽也蕩好信不好孝其蔽也賊好
直不好孝其蔽也絞好勇不好孝其蔽也亂好剛不好孝其蔽
也狂凡學而不讀書者皆子路也信其所好而不知古人之
成敗與所遇之可否未有不為病者雖然孔子常語子貢矣曰

賜也汝以予爲多辛而識之者歟曰然非歟曰非也子一以貫之一以貫之非多學之所能致則子路之不讀書果可非耶曰非此之謂也老子曰爲學日益爲道日損以日益之學求自損之道而後一以貫之者可得而見也孟子論學道之要曰必有事焉而勿正心勿忘勿助長也心勿忘則莫如學必有事則莫如讀書朝夕從事於詩書待其久而自得則勿正勿助之謂也譬之稼穡以爲無益而捨之則不耘苗者也助之長則揠苗者也以孔孟之說考之乃得先君之遺意

芝室記

淮海先生

河南張倪老既以其父宣義君命奉其母彭城君之喪殯于廣陵石塔佛舍遂與其弟曼老冲老廬於墳側數月有女生于廬中余聞而謁觀焉蓋附土而出者數本其色正赤澤而堅悍石傳隸形余撫而歎曰天下之物固有未易詰其所以然者夫濡雨露而生被霜雪而死下芝而少蔓者草之常性也今其亦草

耳而學士大夫之家則生賢諸侯之國則生明天子之世則生
從之不可轉之不能豈所謂未易詰其所以然者歟生有淨者
闢而笑曰是不然天下之物皆吾心也心之本體明白空洞實
無一毫可得而有惟其覺真散於塵幻由是清淑而外者為想
濁汙而墮者為情夫情想之於心猶珠鑑之有影像江海之有
浪瀾形固具存非其本矣故無窮如虛空有物如天地安寔日
月斗星金石草木之屬凡悅可於吾心意者皆善類之所變而
憎惡於吾耳目者皆惡情之所生也吾聞彭城君承其先夫人
之凶五日而以毀死諸子廬於殯側削血書經哀動道路善類
交感寔為生芝異於凡草理固然矣其又奚疑若夫善惡畢寂
情想究空芝於此時瑞為何物已而歎曰奇哉吾不能以告子
矣余未嘗讀佛書固不知所論中否然竊惟其語宏博瑗奇有
足觀者明年張氏兄弟服除而歸廣陵二大夫因號其廬曰之
室懼來者之不知也而屬余為記余既論次其事遂追跡浮屠

之語而并載之倪老名康伯以召試中選今爲兩都教授曼老
名康孫前叅海陵軍冲老名康道云

巴州雲間書院記

內翰洪公

巴古國也春秋之世常與荆楚确秦郡天下爲三十有六巴居
一焉僭蜀漢中鼎立爲梁益壯并先漢十一城後漢十四城唐
九城千三百年間東釐西析所謂墊江宕渠魚復朐忍乃轉而
它隸徙移隨時日失其故職方無所究質僅存五縣今之巴
非昔之巴也然包錯萬山中一水環紮實曰字江因川形而州
則域望雄溥固非旁側可並惟全蜀多名士此獨希堪輿家之
說謂學官枕坤傍城面壩勢座在進取之場爲未暢長吏舉知
之而茸於文書束於枓單越了朝莫我躬不閱將分撤見力抗
志莽 equal 之濱焉乎其難毋寧共手勿固而已浚儀趙侯彥飛自
受印捐身相民不以遠且瘠爲厭溥辨訟當案吊之而按之泉
粟入出銖粒而靳之即主益官曹正異我一錢弗予也事會之

來鐘見至曠再越歲井然以最新聞然後曰吾為勤區區財足採
過委精神於文俗未盡祇獻笑耳天子命之教將何為哉上諸
外臺啓平門學南使青衿來趨接挹笑致應是果有奏太常第
者而兩山兩峯對峙如植若戟冠精派望之儼然特為州家第
觀茲於是誦於是足以垂英聲於天淵前此末之願諸生衛鵬
首建冊行椒正卜作書院數十楹目之曰雲間學政為兩蓋有
石鼓岳鹿廬山故事存無僭於泮林士指為便凡土木一切費
衛氏已任之不關於民旬月而功就密樓華榱侈棟宇宇宇
出紫翠洊霄間負負緯經緯莫思區騎鯨細風表獨立於
之外丹梯万丈真可階而攀也侯為政於是知本元矣非
能賢無以致衛君之倡乃非衛之伉儷亦安能寫使君之
侯又以雍容頃即蕙室後建清化之堂凝香之閣領賓客
觴詠燕適不知身之上瞿唐近三峽崢嶸劍閣以屬千華
水也予少聞蜀都之盛蹠局不能西今老矣無緣由一為

嘗賦詩賞寓族以胡光庭之辭遣信重野來請記故書以遺之
紹興二年二月十九日記

涪州棣華館記

王臺先生

紹興四年冬眉山程子叟自廣安移守涪陵一年罷去後七年
其弟通叟繼守此邦兄弟之政皆以興利愛人爲德撥煩成務
爲才明而不苛肅而能寬活人安之乃於州治之東偏清暉樓
之南築棣華館焉前爲小亭後縱爲屋六楹中闢爲軒旁列二
室軒之楹增其基爲廊道欄檻以通往來仰陽谷之朝曦俯黔江
之清流不深而遂不華而繁其二室皆置六經子史百家之書
政事之暇日與其諸子及門下士講誦游息于此或曰茲館也
其以夸耀衣冠之盛事歟予曰不然高官重職昔之人蓋有父
子兄弟迭居者不可勝數好事者紀之以爲衣冠之榮程氏世
有顯人自其曾大父仕至監司持節邊鄙而大父亦漕臺又兄
弟同時爲監司者三人大父提舉茶事以次對之職帥熙而其

父寶文公亦由茗使遷侍從知秦州其爲衣冠之榮久矣昨特
今日也茲館之設竊意其以活人安其兄弟之政履思不忘以
爲異日之甘棠也歟漢馮野王及弟立相代爲上郡太守公孫
治行皆略相似吏民歌之曰大馮君小馮君兄弟繼踵而因循
聰明賢智惠吏民政如魯衛德化鈞周公康叔猶二君子於程
氏兄弟亦云

光華館記

曲肱先生

明天子坐朝出內府節臨遣忠信行觀四方風俗事無大小驛
置以聞駕一封傳之所部丁寧寄委禮意厚甚某州南迫服嶺
於荆湖爲遠郡部使者張旌竟上守以下舉職事聽命惟謹吏
益恭民益慰父老兒子夾道望風采不敢譁皇皇獨爾王命有
惟時弭即之館有大官貴人專而家者歲辛酉某太守凡上
年雍發遣州事熊某始取而加葺焉因大書其門曰光華而爲
之記蓋單襄公以王命聘楚假道於陳侯不在疆焉不授解國

無寄寓縣無施舍歸而告諸王陳侯不有入谷必三藩法也
失禮節襄公用是卜之有如王人儼然辱而臨諸敬尊導竟除
門省車視秣燕幾其能禮也今乃不然肅輅御以入焉而舍之
丘亭燕辟錡武進止舒遲容半聯席曰不足燎而後謁入雖費
徐張不能爲容顧不之責誰其廢禮乃九月乙亥高開閤博庭
疊置宮室中庖外圍賓以隸舍位置先後各瞻其事毀瓦腐木
代以堅良敬級窪坎輔以夷易器用絜新設飾明白工人役
不話苦辛而館歸其舊名還其實候吏占天閭入解劍豈惟是
爽壇靖密以無憂客使至於尊王命展賓儀止名物警觀瞻具
一郡之禮而復之是則可書邦人士言於子曰今有重慶盛德
雅望似劉寵太尉拔簪以待門庭誰敢不動若聞垣而入修垣
而行必有辭命如吾國僑其或不然則廢禮之誅誰執其咎予
并書是紹興十七年某月某日某甲子左朝請大夫權發遣永
州軍州事兼管内勸農事惜紫全齋袁龍其記

謝牧齋記

註用先生

善觀人者於其燕私而觀焉則無首情而君子所守與其所養亦皆得於平居閒暇無事之時如守且不固者之不愛其陽則泛然接於外有不能以而安者懷勝則召敵恃氣則收怨伐形而爭至滿段而毀來惟盛德君子宜高而就卑其智而用晦澁粹蘊和執恭順嚴守而深養之言與善應動與吉逢是理也豈惟人情之所甚好天地鬼神福之矣在易謙之六爻謂土居三謂利者亦三它卦莫有此也長樂許永之既卜築臨江面壩有小室窮窳疎明宜涼便燠愜可人意問所名於予予以謂永之父祖皆以文章勲德為時名巨禮賢下士號稱長者永之心傳家學躬行善訓安恬虛徐與物無競望其風際其蹤氣弟其仁義藹然君子也在交遊中溫溫自克退然無所挾至於觀門之內夫歸猶重客父子猶師友怡然相得於名教之樂許人初者推一世溫恭之士必屬之永之因觀謙卦之象山以崇而

處地之中初六又處卦體之威下所謂謙謙君子利涉大川
時謙之至雖艱危險阻未有不濟永之駸駸華顯榮後德必
有以相其謙者予取繇辭卑以自牧名其室曰謙牧寮聞者皆
欣然以喜謂予狀永之甚似若觀於燕私而得其平居間暇無
事之時能久而安其所守與卷則予與永之婦家也知之莫詳
焉因書以爲寮記紹興乙亥冬至日曲肱寮能其記

新刊 國朝二百家名賢文粹卷第二百四十三

新刊 國朝二百家名賢文粹卷第一百四十四
記

圖籍記 畫記附

祥符詔書記

徂徠先生

祥符二年翰林學士楊億知制誥錢惟演秘閣校理劉筠唱和
宣曲詩述前代掖庭事辭多浮艷直宗聞之曰辭旨學者宗師
也安可不戒於流俗乃下詔曰國家道蒞天下化成域中敦百
行於人倫闡六經於教本冀斯文之復古期末俗之還醇而近
代已來爲辭多變侈靡滋甚浮艷相高忘祖述之大猷競雕刻
之小巧爰從物議俾正源流盜爾服儒之人示乃爲學之道夫
博聞強識豈可讀非聖之書脩辭立誠安可乖作者之制必思
教化為主典訓是師無尚空言當遵體要仍聞別集衆製刻鏤
已多儻許攻乎異端則誤于後學式資誨誘宜有甄明今後屬
文之士有辭涉浮華玷于名教者必加朝典庶復古風其古今

文集可以垂範。初，雕印者委本路轉運使選部內文士看詳可
者，即具本以聞。又天章閣待制劉公隨嘗言：故楊翰林少知古
道，故孫漢公集中有送揚序，說其年十一月建州召試，授祕書
省正字，詔褒之。有精彩神助，文字生知之語。是時名落天下，道
路拭目，或勸以歌頌上美，更祈清賞。公則掉臂不顧，或以其早
成，夙悟。比前代王勃輩者，則慨然曰：吾將勉力庶幾，子雲退之
長驅古今，豈止於辭人才子乎？又崔掾初覽其新文數十篇，大
奇之，持以示漢公曰：皇甫持正，柳州少年時正當如是。本朝文
人稱孫丁而皆推重之，則楊為少知古道明矣。然以性識浮近，
不能有道自立，好名爭勝，獨軼海內，謂古文之雄有仲塗黃州
漢公謂之輩，度已經莫能出其右。乃斥古文而不為，遠襲唐李
義山之體，作為新制，揚示學問，通博筆力宏壯，文字所出後生
莫不愛之。然破碎大道，雕刻尤質，非化成之文，而古風遂變。時
執政為文懿與二三朝士竊病之。又黃州漢公皆已死，他人亦

弱無以摧揚雄錯惟胡大監繼周在旦以罪發屏居廬江乃相
與正譽徐言于上乞召知制誥以拉楊之虎牙繼周既至真宗
命上殿賜坐從容延問曰知卿雖謫官猶不廢學今復用卿知
制誥繼周以久去班行朝禮多廢即拜謝于殿上真宗亦不之
罪繼周既退直趨舍人院箕倨坐聽上睥睨言曰適來見上上
金口命胡旦復知制誥胡旦老矣豈能重入此小兒隊裏知得
它制誥粹微輕劣芳如無人真宗以繼周素無行尚疑之潛令
小黃門一人隨其後觀之黃門盡以告明旦真宗見文懿具道
其事乃曰胡旦終未可用觀其言朕亦似被輕文懿以繼周自
為之亦無如之何繼周但得通判襄州去楊遂肆然無復回避
為文章宗主二十年故斯文之弊至于今可惜矣夫介讀祥符
二年詔書知真宗皇帝真英主矣聞劉待制之說知文懿真賢
相矣易曰觀乎人文化成天下為天子能知乎文之本而思復
於古非英主歟為宰相能悼平風之變而思救其弊非賢相歟

介竊懼聖君賢相之事異日泯落因私記之

仁宗御飛白記

六一居士

治平四年夏五月余將赴臺假道于汝陰因得閱書於子履之室而雲章爛然輝映日月為之正冠肅容再拜而後敢仰視蓋仁宗皇帝之御飛白也曰此寶文閣之所藏也胡為於子之室乎子履曰曩者天子宴從臣於群玉而賜以飛白余幸得與賜焉子窮於世久矣少不悅於時人流離覓斤十有餘年而得不老死江湖之上者蓋以遭時清明天子嚮學樂育天下之材而不遺一介之賤使得與群賢並游於儒學之館而天下無事歲時豐登民物安樂天子優游清閒不瀟聲色方與群臣從容於翰墨之娛而余於斯時竊獲此賜非惟一介之臣之榮遇亦朝廷一時之盛事也子其為我志之余曰仁宗之德澤涵濡於万物者四十餘年雖田夫野老之無知猶能悲歌思慕於寵畝之間而況儒臣學士得望清光蒙恩寵登金門而上玉堂者乎

於是相與泫然流涕而書之夫玉韞石而珠藏淵其光氣常充於外也故山輝如白虹水變而五色者至寶之所在也今賜書之藏于子室也吾知將有氣望者言榮光起而屬天者必賜書之所在也

仁宗御書記

司馬溫公

皇祐初故右諫議大夫張公爲翰林侍讀學士仁宗皇帝謂侍臣曰朕宅帝位幾三千年天下名儒皆嘗與之遊自得張某使我曰聞所未聞因書紙爲傳學字命使者即其家賜之當是時國家中外無事天子方嚮藝文同侍殿閣者皆名臣之選無不環觀愧羨莫敢望云公既沒十有六年公之子子瑾字材之將摹著其書于石謂某曰必爲之記某曰昔公知滑州某從事於幕下嘗聞公之言曰余平生喜書讀之不啻數千百過其簡編要矣每發之必有新獲之意焉噫公之篤學如此宜其當明主之知爲多聞之友受殊常之寵成不朽之名也使曩也先皇帝

賞公以五金於今何有固不若垂一言之褒其為子孫光榮世世無窮也夫知人則哲帝堯之所難仲尼門人以千數獨稱顏淵為好學今村之所為欲以彰先皇帝之知人而揚先公之好學也夫彰君之明忠也揚父之美孝也惟忠與孝村之兩有焉其也雖無文又焉敢辭

仁宗御飛白記

東坡先生

問世之治亂必觀其人問人之賢不肖必以世考之孟子曰誦其詩讀其書不知其人可乎是以論其世也合抱之木不生於步仞之丘千金之子不出於三家之市臣嘗遘事仁宗皇帝其愚不足以測知聖德之所至獨私竊覽觀四十餘年之間左右前後之人其大者固已光明雋偉深厚雄傑不可窺較而其小者猶能淳朴愷悌靖恭持重號稱長者當是之時天人和同上下謹心才智不用而道德有餘功業難名而福祿無窮外遐以來十有二年若臣君子罔有内外下至深山窮谷老婦稚子外

薄四海裔夷君長見當時之人聞當時之事未有不流涕稽顙者也此豈獨上之澤歟凡在廷者與有力焉太子少傅安簡王公諱舉主臣不及見其人矣而識其爲人其流風遺俗可得而解者以世考之也熙寧六年冬以事至姑蘇其子誨出慶曆中所賜公端敏字二飛白筆一以示臣且謂臣記之將刻石而傳諸世臣官在太常職在太史於法得書且以爲抱烏鵲之弓不若藏此筆寶曲阜之履不若傳此書考追彘蠅以論音聲不若推點畫以究觀其所用之意存昌歟以追嗜好不若因褒貶以想見其所與之人或藏於名山或流於四方凡見此者豈當巍然而作如望旌頭之塵而聽屬車之音相與勉爲忠厚而玉爲澤澤或由此也夫

汝州龍興寺吳畫記

穎濱先生

予先君宮師平生好畫家居甚貧而購畫常若不及予兄子駿少而知畫不學而得用筆之理轍少聞其餘雖不能深造之亦

庶幾焉凡今世自隋唐以上畫之存者無一二矣自唐以來乃
時有見者世之志於畫者莫不以此爲師則非畫也乎昔遊成都
唐人遺迹遍於佛老之居先蜀之老有能評之者曰畫格有四
能妙神逸蓋能不及妙妙不及神神不及逸稱神者二人曰范
瓊趙公祐而稱逸者一人孫遇而已范趙之工方圖不以規矩
雄傑偉麗見者皆知愛之而孫氏縱橫放肆出於法度之外循
法者不逮其精有縱心不踰矩之妙於眉之福海精舍爲行道
天王其記曰集潤州高座寺張僧繇子每見之輒嘆曰古之畫
者必至於此然後爲極歟其後東遊至岐下始居吳道子畫云
驚曰信矣畫必以此爲極也蓋道子之迹比范趙爲奇而此孫
遇爲正其稱畫聖抑以此耶紹聖元年四月予以罪謫守汝陽
閭與通守李君純繹遊龍興寺觀華嚴小殿其東西夾皆道子
所畫東爲維摩文殊西爲佛成道此岐下所見筆迹尤放然屋
瓦吹漏塗棧欹危幾浸於風而畫事之精不可傳者常存乎

又人亡而迹存達者猶有以知之故道子得之甯晉之餘而
趙得之道子之後使其迹亦雖有達者尚誰發之時有僧惠真
方葺寺大殿乃喻使先治此子與李君亦少助焉不逾月堅完
如新於殿危之中得記曰治平丙午蘇氏惟政即葺眾異之曰
前後葺此皆蘇氏豈偶然也哉惠真治石請記

汝州楊文公詩石記

穎濱先生

祥符六年楊公大年以翰林李士請急還陽翟省親疾繼起病
求解官章即責帝以其才高名重排群議貸不加罪逾年以祕
書監知汝州公至汝稱病以事付僚吏以文墨自虞得詩百餘
篇既還朝汝人刻之於石皇祐中郡守王君為建思賢亭於北
園之東倚紹聖元年四月予自門下侍郎得罪出守茲土時亭
弊已甚詩石散落亡者過半取公汝陽編詩而刻之仍增舊思
賢龕石於左右壁焉葺公以文學懿義獨步咸平祥符間事業
比唐詩無媿所與交皆賢公相一時名士多出其西然方其詩

則已有流落之嘆既沒十有五年聲名猶藉藉於士大夫而思賢廢於隸舍馬廐之後詩石散於高臺華屋之下矣凡假外物以為榮觀蓋不足恃而公之清風雅量固自隨世磨滅耶然予獨拳拳未忍其委於荒榛野草而復完之抑非陋哉抑非陋哉

太宗皇帝御批記

濟南先生

元祐天子錫宴東宮以御書古詩編賜執政暨講筵諸臣明日諸臣各進表獻詩以謝聖者作郎兼侍讀范祖禹曰臣願陛下篤志學問亦如好書益進道德皆君游藝於是有以見人君大略字書未足多尚且聞太宗皇帝方則微已有書名擅於世及即位益專益工鏤之金石藏之延閣布在天下不可勝數在前世中君已足稱述而帝以神武聖文左右太祖自布衣取天下以湯武拯濟之功全堯舜樹禪之美及紹大統遂集大勳觀觀成慶為宋太宗則其德業著知輝煒然而唐文皇帝雄矣故文皇帝雖以字彙名於當時而為餘事云因觀帝批天下兵

馬元帥吳越國王錢俶表致作是記元年二年八月十一日
李薦記

仁宗皇帝御書記

豫章先生

臣某元祐中待罪太史氏竊觀金匱石室之書論載仁宗皇帝
在位四十有二年幼少處生至於耆老安樂田里不憂不懼百
姓皆如芻狗無謝生之心又言上天德純粹無聲色既游之好
平居時御筆墨无喜飛白書一書之成左右扶持爭先去稍稍
散落人間慶雲景光被万物主大夫家或得隻字片紙相傳
傳玩以於何圖洛書初慶所在如臨父母此豈與周人思召伯
愛其甘棠同年而語哉恭惟昭陵復土垂四十年至今父老言
之未嘗不霽涕後生聞說前朝事无不踊躍恨不身當其時與
傳可謂有德君子者耶竊謂永太平之源而仁祖在位時未
嘗出奇變令垂衣拱手以天下之公是非進退大旨而直居修
職盡美承風日亦不能識書所以然故秘閣校理臣張公裕所

藏書其子自浩以示臣臣昧冒論者如此蓋天地之高厚贊日月之光華臣自知其不能也

白蓮社圖記

濟北先生

廬山白蓮社十八賢者始晉太元中鴈門正覺法師慧遠居廬山卜居之西河內覺寂大師慧永先居西林故法師所居號東林去法師神明英越初從大行釋道安落髮道安知其能使道流東國者也時諸方名德聞風而至与同修淨土之行者甚衆而十八賢者社中之傑也曰佛馱耶舍佛馱跋陀羅竺道生慧持慧叡曇首道暕道敬曇首內有士曰劉遺民雷次宗周續宗炳張野張詮合十八而佛馱二尊者與賓人皆神僧也餘各有異跡又法師取善陶淵明陸脩靖兩人高蹈不肯入社先是南海漁人嘗網得文殊金像有文云阿育王造也後商人於東海得其圖以合像若符節陶侃嘗取之旋失去至是法師壽之汪出焉於公至中嘗有虎或畏之即馳上山天相公所有

馴擾耶舍赤繩咒水洗弟子足使閉目聞風聲自顯效一夕至
姑臧跋陀羅嘗見弥勒境率天上得不還耳有釋迦舍利三顆
及群士等皆有異跡見於其傳則法師可知已初法師送客常
以虎溪爲限最重陶潛陸脩靖偶送兩客不覺過溪然陶忘懷
得生晉宋間一人耳修靖後得道度世兩人固非入社者皆善
法師而謝靈運持才傲物嘗求入社法師以心雜止之靈運不
恨也爲鑿三池種白蓮後去其社名躬仲堪之爲荊州也時入
山修敬故圖中所繪陶潛陸謝躬在十八人之外今龍眠李公
麟爲此圖筆最勝然恨其略也故余稍附益之凡社中士十八
人非社中士四從者若干焉蓋人物因龍眠之舊者十五他
皆新意也菩薩像倣侯翌雲氣倣吳道玄受塔天王圖松石以
関全堂殿雜草樹以周昉郭忠恕卧桂垂藤以李成崖壁瘦木
以許道寧湍流山嶺騎從韞服以魏賢馬以韓幹虎以包鼎猿
猴鹿以易子言鷗白鴈若鳥鼠以崔白余自以意先爲山石位

置向背物皆作粉本以授書史孟仲寧使模寫闕色之余切慕
無生法憤世網不得出與玉溪溪時道廬山愛而欲居不可家
城八年時往來於懷也至爲思山許十數醉輒歌之初見李園
悠然忽如蠟屐扶杖行其中故爲此圖特盡意

澶州學生登科記

周公封於魯禮樂傳焉孔子生於魯六經出焉學之爲聖人事
其求莫近於魯也孔子曰魯衛之政兄弟也魯衛固兄弟而政
豈兄弟也耶雖然周公教康叔以求商之遺民賢人君子長者
康叔能修之武公文公有文章道化蓋美哉淵乎憂而不困者
於詩具在也孔子取之適衛而言曰庶矣哉如有用我者三年
有成聖人之於衛亦不可無澤也秦并天下立州郡至於今不
改而君角之土地澶卽其墟始余自南州求濟中流而歎知衛
之美也登南北城而望則山川迤邐圖記可指蓋楚宮頓丘泉
源淇水須漕之地彷彿而其詩曰如切如磋如琢如磨彼妹者

子何以告之則原其國俗好孝而樂善本於餘習者如此自季
札見夫五人者以謂備多君子其國無故則其所從來者舊矣
非特孔子時為然也而秦漢以降士或忘其故習不醇乎文章
之緒有夏言尚氣任俠之風述往事者不善子羔脫身於孔氏
之難而喜道仲由結纆於臺下之勇也蓋莫盛於漢質直如茂
黯曠時而不一人而倜儻喜戰鬪如後魏李崇輩此者迄於五
代往往而出相望也反而思之然後知治天下病學校之不設
太祖太宗神武不殺四夷屈降真宗北巡叛虜奪氣而置之
始開明相往來人人知本農桑勸孝校以不忘其故家遺俗之
盛士亦稍稍能自簡於時錄孝生而取科第者自興國逮元
豐可攷而記者若干人其一時行事皆有可道而不幸窮天且
世無人者又不可勝訪斯已盛矣今天子以儒術治天下而汲
郡韓公之守澶也能推天子所以樂儒術之意行之其邦始命
其參軍晁補之率邦人諸生而与之游且告補之曰無所待而

興者憂傑也降是則君子不能無勸焉二而知讀書為儒取科
第列士大夫以歸榮其親榮其邦人焉亦可尚矣子無乃為次
叙其名氏而記之予聞而益喜曰不可一日而不治者三畝之
宅猶如此目前之事猶如此況人倫所以本乎踳浮染而望大
河之任渾為馬圖為榮光神氣之發也獨人異哉將必有君子
如季札之所道其理然也因歷攷其古之所以盛所以衰與大
風聲氣俗之變而載若干人者於其後使邦人諸生一過而知
焉後之大車駟馬洋洋乎西方人指以為勸者亦知夫所以致
此自公之教而始也公名璠官右諫議大夫大元豐三年十二
月某日記

秦太師家御飛白記

編脩劉公貴交

仁宗之四十二年春上宴群臣于群玉殿自丞相韓琦至諫官
御史初若千人樂旨飲酒事協魚藻之盛昭回為章語誦大漢
之美上於是賦詩會者必和既又御書飛白遍賜群臣曰書林

曹郎中呂泰珩以三司判官與會詔賜帝字其後某老歸鄉里
因以壽終後幾年其子太廟室長且誨始以御書刻石誨之言
曰吾以侈大仁祖之貺賜昭顯先且之逢遇夫我乃行之欲以
言著吾心而不得焉詩曰哲人有心予忖度之願夫子之賜之
也原某乃言曰昔先王之撫群臣親諸侯皆有分器關華大器
舊校少帛其微陋猶以為後世寶未有帝臺文字發於聖作其
為粹美也百執事之且或宣力在外雖高爵重位有不預茲宴
而珩也以郎官之末猥獲厚賜其為光顯華會宜其若千一之
過為方世子孫之藏矣嗟乎自遺弓遺地龍驤已遠耕象成田
穴書莫覲常侍登床德音在耳建陵賜劍手澤仍存哀榮感慕
可勝道哉若夫翰墨掃瀝之法雲霞舒布之勢存鴻都聖帝之
舊想龍馬畫卦之初神以妙萬物而為言聖固天縱多能矣蓋
明目巧心所不能闢聲豐辭尊辯所不能講說然雖矣天測二曜
者占之易景望三山者候於雲氣蕩蕩乎可略見其彷彿云耳

月日具官目劉某記

司馬溫公布衾銘記

太史亮公

溫國文正公所服之布衾，隸書自有十字，曰景仁東者，端明殿學士范蜀公所贈也。曰堯夫銘者，右僕射高平公所作也。元豐中，公在洛，蜀公自許往訪之，贈以是衾。先是，高平公作布衾銘，以戒學者。公愛其義，取而書之於衾之首。及寢疾，東府治命，斂以深衣而覆之。是衾，公於物澹無所好，唯於德義若利欲其清如水而澄之不已，其直如矢而端之不止，故其居處必有法，動作必有禮，其被服如陋巷之士。一室蕭然，圖書盈几，終日靜坐泊如也。又以圓木為欹枕，小睡則枕轉而覺，乃起讀書。蓋恭儉動禮，出於天性，自以為適，不勉而能與。范公為心交，以直道相與，以忠告相益，凡皆如此。其誠心終始如一，將殺而猶不忘其親，公大節與其細行，雖不可遽數，然本於至誠，先欲天下信之，故能奮發有為，紹絕古今。居洛下十五年，若將終身焉。一

起而功微天下內之嬰童婦女外之蠻夷戎狄莫不敬其德服其名唯至誠致也公兄子宏得公手澤紙本于家萬其存其本末俾後世師公之儉云元祐七年七月壬子范其謹記

御書手詔記代俞允彙作

淮海先生

元豐元年八月詔以先日其為天章閣待制知開封府路安撫使三年四月環州南寇寨寨家曰字等據為首捕兵馬亂攻殺旁族先日置第二將張守約走馬承慶陸中招得之誅其不聽命者於是羗族始定而亡入夏國者凡三百人復遣守約屯寨上檄夏人使歸其衆夏人承命震恐以其衆歸初慕羗之叛也附置以聞有詔得亡者無小太多少皆即其地斬之至是斬其酋豪百二十有二人而錄其脅從幼弱婦女百四十有二人請于朝詔許京之既又別賜手詔褒喻先日跪捧伏讀感激涕下退謂曰等曰我本孤生蒙上識拔寵遇如此自度無以報万一惟與汝曹共誓捐軀而已明年先日下世某等隨奉遺訓夙

夜須越念無以致區區者輒求金石具刻明詔以為不朽之傳
蓋亦先君之念也昔唐相權德輿嘗讀太宗所賜李靖手詔至
流涕曰君君之際乃耳邪日以謂萬世之後富有讀明詔而感
動復如德輿者矣豈特今日為百執事之勸哉六十月日承務
郎臣俞允臯記

從文與可畫木石記

楊祐夫

鄉丈人石室文公近世文藝之雄也初將從事邛南會姻友於
邸飲酒西禪之精舍夜艾氣酣跋燭起作枯木怪石於方丈之
壁去今五十八伏臘矣某以少賤不識公獨識其子冲卿聞冲
卿言如此乃假館於主者求觀焉歛衽三肅仰而游顧徒見老
幹齧牙蒼質負鰐鰂旁拊細雲下如裂地不知其幾千萬年物
乃今猶植立樞間綬綬乎如空山臞仙真骨強勁歷劫壞而不
僵及及乎如幽林古佛者膚堅密閱歲寒而無恙奈心慄然格
之以為公蓋王摩詰也特遣化出沒異耳然世通宿命者斯言

未可出之獨恨託非其地頗為拙目輕題漫瀆積料於其上
太息久之不能去間以告主簿王君舜選舜選舊曰吾力能辦
此乃并其壁徙置公堂之中盡飾以欄楯周護極謹某曰松操
多壽山石耐久物誠有之矣亦宜然方文公仕初筮越不過三
十許耳曾中磽磽已有奇是肯効兒女為柔熟耶君視此畫史
非世人婉孌之觀其戒興臺固宿鑄遇過客俗子勿輕與言必
審其人氣鄙不凡發視之此畫起皇祐之癸巳其徙以大觀之
庚寅而某為之記以政和之辛卯舜選名其南榮人愛客嗜義
為士所尚云

文與可畫筍簾谷偃竹記

東坡先生

竹之始生一寸之萌耳而節葉具焉自蜩腹蛇蚶以至于劍拔
十尋者生而有之也今畫者乃節節而為之葉葉而累之豈復
有竹乎故畫竹必先得成竹於胸中執筆熟視乃見其所欲畫
者急起從之振筆直遂以追其所見如兔起鶻落少縱則逝矣

與可之教予如此予不能然也而心識其所以然夫既心識其所以然而不能然者內外不一心手不相應不學之過也故凡有見於中而操之不熟者平居自視了然而臨事忽焉喪之豈獨竹乎子由為墨竹賦以遺與可曰庖丁解牛者也而養生者最之輪扁斲輪者也而讀書者與之今夫子之託於斯竹也而子以為有道者則非邪子由未嘗畫也故得其意而已若予者豈獨得其意并得其法與可畫竹初不自貴重四方之人持纖素而請者足相躡於其門與可厭之投諸地而罵曰吾將以為韞士大夫傳之以為口實及與可自洋州還而余為徐州與可以書遺余曰近語士大夫吾墨竹一派近在彭城可往來之轍材當萃於子矣書尾復寫一詩其略曰擬將一段鵝溪絹掃取寒梢萬尺長子謂與可竹長萬尺當用絹二百五十匹知公倦於筆硯願得此絹而已與可無以答則曰吾言妄矣世豈有萬尺竹哉余因而實之答其詩曰世間亦有千尋竹月落庭空影似

長與可笑曰蘇子辯則辯美然二百五十五匹吾將買田而歸老焉因以所畫簪簪谷偃所遺予曰此竹數尺耳而有方尺之勢簪簪谷在洋州與可嘗令予作洋州三十詠簪簪谷其一也其詩云漢川脩竹賤如蓬丘何曾曾救釋龍料得清貧饒太守渭濱千畝在曾中與可是日與其妻游谷中燒筍晚食發函得詩失笑噴飯滿案元豐二年正月二十日與可沒於陳州是歲七月七日予在湖州曝書畫見此竹發卷而哭失聲背曹孟德祭橋公文有車過腹痛之語而予亦載與可疇昔戲笑之言者以見與可於予親厚無間如此也

石氏畫苑記

東坡先生

石康伯字幼安眉之眉山入故紫微舍人曼言之幼子也舉進士不第即弃去當以陰得官亦不就讀書為詩以自娛而已不求人知獨好法書名畫古器異物遇有所見脫衣輟食求之不問有無居京師四十年出入閭巷未嘗騎馬在稠人中耳目謏

謾然專求其所好長七尺黑而髯如世所畫道人劍客而徒步
塵埃中若有所營不知者以為異人也又善滑稽巧發微中旁
人抵掌絕倒而幼安恬然不變色與人游知其急難甚於為己
有客於京師而病者輒舁置其家親飲食之死則棺斂之無難
色凡識幼安者皆知其如此而余獨深知之幼安識慮其遠獨
口不言耳今年六十一狀貌如四十許人須三尺郁然無一莖
白者此豈徒然者哉為亳州職官與富鄭公俱得罪者其于夷
吏也其家書畫數百軸取其毫末雜碎者以冊編之謂之石氏
畫苑幼安與文與可游如兄弟故得其畫為多而余亦善畫古
木叢竹因以遺之使置之苑中子由嘗言所貴於畫者為其似
也似猶可貴吾行都邑田野所見人物皆吾畫司也所不見者
獨鬼神耳當賴畫而識然人亦何用見鬼此言真有理今幼安
好畫乃其一病無足錄者獨著其為人之大略云醜元豐三年

十二月日趙郡蘇軾書

宸奎閣碑誌

東坡先生

皇祐中有詔廬山僧懷璉住京師十方淨因禪院名璉仁成殿
問佛法大意奏對稱旨賜號大覺禪師是時北方之為佛者皆
留於名相囿於因果以故士之聰明超軼者皆鄙其言詆為癡
夷下俚之說璉獨指其妙與孔老合者其言文而真其行峻而
通故一時士大夫喜從之游遇休沐日璉未盥漱而戶外之履
滿矣仁宗皇帝以天縱之能不由師傳自然得道璉問合親
書頌詩以賜之凡十有七篇至和中上書乞歸老山中上曰山
即如卿也將安歸乎不許治平中拜乞堅甚英宗皇帝留之
不可賜詔許自便璉既渡江少留于金山西湖泳歸老于四明
之阿育王山廣利寺四明之人相与出力建大閣藏所賜頌詩
榜之曰宸奎時京師始集寶文閣詔取其副本藏焉且命藏庋
僧一人璉歸山二十有三年年八十三日出守杭州其徒使來
告曰宸奎閣未有銘君遠事昭陵而與吾師游取舊其可以詞

目謹按古之人君號知佛者必曰漢明果武其徒蓋帝以藉口
而繪其像于壁者漢明以祭為明而果武以弱為仁皆鮮名失
實去佛遠甚然惟仁宗皇帝在位四十二年未嘗廣度僧尼宮
多寺廟千七百餘未嘗有所私貸而外遊之日天下歸仁焉此
所謂得佛心法者古今一人而已雖雖以出世法度人而持律
嚴其上嘗賜以龍腦鉢孟建對使者焚之曰吾法以壞色衣以
瓦鉢食此鉢非法使者歸奏上嘉歎久之銘曰
巍巍仁皇 體合自然 神耀得道 非有師傳 雖道人健
逍遙自在 禪律並行 不相留礙 於穆頌詩 我既其文
惟佛與佛 乃識其真 登爾東南 山君海王 時節來朝
以謹其藏